

# Ленинэнь киява

ВЛКСМ-нь Мордовской обкомонть ды Саранскоень ошонь комитетэнь газетаст

СЕНТЯБРЯНЬ

18 чл,

1937 ио

№ 107 (786)

ЛКСИ

7-це ио  
чинь ютазь

## Организация, косо орудовасть врагт

Пединститутсо сентябрынь 16-це чистэ прядовсь комсомольской промкс, косо толковазь вопрос комитетэнь решениятнень кемекстамодо.

Промксось ютась большевистской критика ды самокритика марто. Лангс таргазь комитетэнь роботанзо покш асатыкст ды народонь врагт, сынест лездыцят, конат те шкас орудовасть комсомольской организациясонть.

Комитетсэнь ульнесть народонь врагт—Телегина ды лият, сынст лездыцят ды сынст марто кеместэ сюлмавозельт Соколова, Кузминов ды лият. Соколова кеместэ сюлмавозель ВЛКСМ-нь обкомонь икелень секретаренть народонь врагонть Иванов марто. Кузминов сюлмавозель народонь врагонть Гусев марто. Кузминов эрва кода маньшесь комитетэнь эйсэ, веться заблуждения комсомольской промксонтькак, но промксось эзь манявт, Кузминовонь панизе комсомолсто, сон панезель икелеяк, но горкомось, зярдэ тосо ульнесть эщо секретарекс народонь врагонь пособникесь Левин, сонэз мекев примакшнызе. Ней промксось энялдсь ВЛКСМ-нь обкомонтень, штобу сон примаволь эрвикс мерат сетнень марто, конат Кузминовонь мекев примакшнызь комсомолс.

Народонь врагось Чуванева кирдсь контрреволюционной литература ды ловнось те литературанть политически лавшосто развитой комсомолетнень-студенттнень ютксо ды сынст таргиль эсинзэ енов. Те тевденть умок уш содасть Названова, Летина, Ширяева, Тупигина ды лият, но сын теде эсть епта комитетэньгак, промксояк.

Шулепин (комитетэнь икелень член) пек а вечкиль критиканть, ней сон эрва кода сюдось промксонть. Промксось тейсь решения, штобу сонэз панемс комсомолсто.

Комитетэнь беспечностензэ кувалт комитетэнь орудовасть ды ветьясть нулгодк тевест народонь врагт, двурушникт, пособникт, политически аволь благонадежной ломанть. Комитетсэнь малав весе члентнэ сзредств идиотской ормасо—беспечностьсэ, сын эсть приа эрвикс мерат, штобу комсомольской организациясонть панемс весе чуждойтвенъ ды комсомолетнень ютксо аравтомс паро работа. Комитетэнь секретаресь Зубков эрва кода бажась, штобу Кузминовонь аволизь пане комсомолсто. Бдительностенть ношкалгавтоманзо кис, комитетэнь роботанзо калавтоманзо кис Зубков панезь комитетэнь члентэ ды являвтозь тензэ строгой выговор. Сонензэ эзизь кеме отчетно-кочкамонь промкссо докладонь теэманть. Отчетно-кочкамонь промксонть анокстамонть ды тосо докладонь теэманть кемизь комсомолетнень Комаров ялганть.

Ф. Гурьянов.

## Московской военной округонь частьнень тактической тонавтнематне

Атапавиця виень парад

Сентябрынь 15-це чистэ, тонавтнематнень районсонть, ульнесть войскактнень парад, конатне примасть участия Московской военной округонь тактической тонавтнематнесэ. Парадонть примась Оборонань Наркомось Советской Союзонь Маршалось К. Е. Ворошилов ялгась.

Ворошилов ялгась войскактнень евтасть вал.

— Боецт, командирт ды политроботник ялгат,—корты Ворошилов ялгась.

— Робочей ды работница, колхозникт ды колхозница ялгат, партийной ды аволь партийной большевикт, комсомолец ды пионер ялгат. ВКП(б) нь ЦК нть пельде, Рабоче-Крестьянской правительстванть пельде кучан тенк, Московской военной округонь сексен тактической тонавтнематнень прыдомань случаенть коряс парадонть пурнавозьтнень пси поздоровт.

Ансяк прыдовозь тонавтнематнесэ,—корты Ворошилов ялгась,—Московской военной округонь, минек армиянь столичной округонь частьтне, тейсть аволь аламо успехт.

Но миненек тынк марто, боецт, командирт ды политроботник ялгат, сави эщо ламо роботамс, штобу маштомс ды педепес ликвидировамс сеть недочеттнень, конатне эщо яла улить кой-кона частьнесэ.

— Тынь должны улемс социалистической алкуксонь роботникекс, стопроцентной алкуксонь большевикекс—Ленинецкс Сталинецкс. Тынь должны апак лотксе тонавтнемс революциянь ине ломантнень—Марксонь, Энгельсэнь, Ленинэнь ды Сталинэнь пельде, кода эрви эрямс ды бороцямс сень туртов, штобу кемеремс эсь тевсэнк, сень туртов, штобу преодолевать весе стакатнень ды изнякшномс.

Ворошилов ялгась корты седе, кода минек армиянь пек вечксы народось ды мелявты сонзэ кис.

— Истямо кенярдома, истямо вечкема, минек армиянь братачнь истямо отношения, кодамс минь нейдяно эрва велесэнь, колхозникень эрва кудосонть, весе таркатнесэ, косо миненек савкшнсь улемс—асодыть мирсэнь вейкеяк армия. Те чаркодевиак. Минек колхозникнэз содыть, што Робоче-Крестьянской Якстере Армиясь—те сынст армиясь, што сон карми ванстома сынст уцяскав эрмост, сынст очагост, сынст кудост, сынст достиженияст. Робоче-крестьянской Якстере Ар-

миясь—те сынст плотест, верест, те сынст сехте вадра цератне. Секскак дружбась, братонь чувстватне, конатне тесэ минек окружали, миненек питнейть, сын миненек чаркодевикст, сын аштить минек чувстваскак, минек дружбаскак, минек вечкемакскак секс, што минь ды сын—те вейке а сезевидя пелькс. Минек арасть явомат кастатнень ды класктнень лангс. Минь ансяк роботатано аволь вейкетъ поприщасо. Веестнэ роботыть фабрикатнесэ ды заводтнэсэ, омбостнэ колхозтнэсэ. Минь служатано Робоче-крестьянской Якстере Армиясо, но весе минь тейдяно вейке тев, Ленинэнь Сталинэнь тевенть, социализмань строямонь тевенть, весе человечествань тевенть.

Эсинзэ валонзо прыдомсто Ворошилов ялгась корты покш ды ответственной сеть задачатнеде, конатне аштить масторонть ды Якстере Армиянь икеле Пролетарской Ине революциянь 20 годовщинантень ды Сталинской Конституциянь коряс СССР-нь Верховной Советс кочкамотнень анокстамонть марто сюлмавозь.

—Кадык жо здравствует, кадык эри человечествань весе трудиятнень радостентень, минек Ине Родинань народтнень радостентень—минек ине, мудрой вождед Сталин ялгась—ура!

Народной Комиссаронть неть меельсь валтнэ вельявить „Ура“ пек сееремасонть, пек виев цяпамоса, „Интернационалонт“ морамоса, пси, восторженной овациасо. Сон касы одов, зярдэ, Народной Комиссаронть валонзо лангс отчазь Советской Союзонь маршалось С. М. Буденный ялгась Ворошилов ялганть энялдсь евтамс ВКП(б)-нь ЦК нть ды Сталин ялганть, Советской Правительстванть ды Молотов ялганть, што Московской военной округонь войскактне анокт эрва минутасто стямс минек социалистической родинань священной рубажтнень ванстамо. „Шумбра уле-зэ Сталин ялгасы!“.

—„Ура“ минек вечкевикс Сталинэнь?.

—„Слава большевиктнень ине партиянтень!“—кайсевить певтеме сеерематне.

Теде мейле ушодови парадось. Войскактнень оружиянь весе родтнэ примасть участия парадсонть, весе сын невьт сэрэе организованостень воинской порядкань класс.

(ТАСС).

## Эрить зажиточнойстэ

Ардатовань р-н. Чукала велень „Путь Ильича“ колхозонь колхозниктнень иеде иес яла седеяк вадрылгады эрмост.

Самаркин колхозникесь колхозс совамода икеле эрясь пек беряньстэ. Ней сон 3-це ие роботы трактористэкс. Югась иенть теешнесь 600-трудочить ды ванстась 264 килограммт горючей; те иестэнь сентябрынь 13-це чис тейсь 760 трудочить, СТЗ тракторсо сокась 710 гектар, ванстась 200 килограммт горючей. Лововкстнень

коряс тедиде получи 500 пондт суро. Эри сюпавсто ды культурнасто, ловны газетат, журналт.

Саемс Алидин комсомолетэнь, сон икеле ульнесть стада ваныцянь цера, эрясь нужна горясо, зярдояк паро кши сускомо эзь нее. Сон те иестэнь роботась трактористэкс, тейсь 600 трудочить ды ванстась 280 килограммт горючей. Паро роботань кисэ ульнесть казезь. Тедидень, предварительной ловоматнень коряс, сон получи 400 пондт суро. Ф. Кипайкин.

## ИНФОРМАЦИОННОЙ СООБЩЕНИЯ

1937 иень сентябрынь 16-це чистэ ульнесть МАССР-нь ЦИК-нь 7-це Сессиянь заседания.

Сессиясь МАССР-нь ЦИК-нь Председателекс единогласно кочкизе Чембулатов Михаил Александрович ялганть МАССР-нь ЦИК-нь Председателенть васень заместителекс кочказь Кулаков Михаил Ильич ялгась, омбоце заместителекс—Ледяйкин Федор Иванович ялгась.

## Тонавтнициятнень ответэст

Кочкуровань средней школань тонавтнициятне покш возмущения марто вастызь кулянтъ седе, што итальянской фашистской пираттнэ ваявтызь советской союзонь торговой суднатнень („Тимирязев“, „Благоев“).

Тень каршо ответэкс тонавтнициятне макссть вал седеяк парсте кармакс тонавтнем, тонавтнемс военной тевенть.

Военрукось Борцайкинь ялгась мерсь, што тонавтнициятне ютксто нурькине шкас 40 ломанть аноксты „Ворошиловской стрелоконь“ значкист.

Баранов:

Кочкуровань район.

## Строямс од пароходт

Чамзинкань район. Пянгийей велесэ Колганов ды Пивкин комсомолетнэз колхозниктнень ды колхозницатнень митингсэ евтнесть седе, што итальянской фашистской пираттнэ ваявтызь минек „Тимирязев“ теплоходонть ды „Благоев“ пароходонть.

Колхозниктнэ вейкетть мельсэ евтызь эсис негодованияст ды мерсть, штобу седеяк кемекстамс минек родинань морской флотонт, строямс седеяк ламо од пароходт, тень кис сын решизь максомс вейке чинь заработка.

В.

## Получасть пособия

Вишка Маризь велень Сталин лемсэ колхозсонть ламо эйкакш марто колхозницатне: Яшина, Паркина ды лиятне—омбоцеде получасть кавтонь-кавтонь тыща целковойть государстванть пельде пособия. Сын кучить пси пасиба Сталин ялганть, эйкакшонь трымонтень ды кастамонтень тетякс лездыцанть.

Г.

Чамзинкань р-н.

## Анокстыть телентень

Вишка Маризь велень Сталин лемсэ колхозось вадрысто аноксты телентень. Лишмень скалонь ды ремень кардизнень теезь паро ремонтт, сын весе ванькст, валдот ды кармить улеме лембеть.

Н.

Чамзинкань район.



# МОКШОНЬ ДЫ ЭРЗЯНЬ ЛИТЕРАТУРНОЙ КЕЛТНЕНЬ (ОРФОГРАФИЯНТЬ, ТЕРМИНОЛОГИЯНТЬ ДЫ ГРАММАТИЧЕСКОЙ СИСТЕМАНТЬ) СТРОИТЕЛЬСТВАНЬ ПРАКТИКАДОНТЬ

## МАССР-нь ЦИК-нь президиумонть постановлениязо

Ловомс, што мокшонь ды эрзянь литературной келтнень строительствань практикасонть ульнесь вредительской тев, кода терминологиянть коряс, истяжо орфографиянть коряскак, кона аштесь:

а) овси а чаркодевикс, явна националистической терминтнень темасонть (предложениясь—вал веле, сложной предложениясь—яво-ви вал веле, предложениянть главной членесь—вал велень правкс пелькс ды лият);

б) 1935 ды 1936 иетнестэ МАССР-нь Наркомпросонть ендомокшонь келенть коряс орфографиянть зярря правилатнень те-масонть, конань (орфографиянть) можна толковамс эрва кода ды кона вети практикасо эрва кодат ильведевкстнэс валонь основасонть „Р“ ды „Л“ глухой букватнень обозначениясь, парнойтнень согласнойтнень чеве чист обозначениясь;

в) апак вано сень лангс, што келень васенце конференциясь тейсь постановления обозначать основатнень а полавтовикэст ансяк валтнень полавтомаст рядсо, МАССР-нь Наркомпросось аравты кавонест келтнень туртов термин ПОЛАДКС, ПОЛАДКСОМА (ПОЛАДОМС валстонть) ПИНГСТАМА (ПИНГЕ валстонть), мезесь вети основань а полавтовик энть обозначениянть од валонь те-ема рядсонтькак;

г) келень васень конференциянть постановлениязо не определенностесь макссь народонь врагтнень (Рябовнень ды лиятнень) возможность неень шкань 1 ды 2 лицанть глаголтнэс сермадомс ансяк кавто окончавят, примеркс: ЧИЙДЯНО, ЛОВДЯНО валтнень таркас ЧИЙТЯНО, ЛОВТАНО.

Тень кувалт МАССР-нь ЦИК сь тейсь постановления:

1. Грамматической терминологиянть, конань кемекстызе МАССР-нь Наркомпросось ды кона печатазь „В помощь школе“ 1 № журналсонть 1936 иестэ, полавтомс.

Кемекстамс грамматической од терминологиянть, конань максызе МАССР-нь Наркомпросось.

2. Эрзянь орфографиянть кувалт эрвяи теомс:

а) Основанть а полавтовикс обозначениянзо ютавтомс ансяк валонь полавтомань рядсонть (КАНДОМС, но КАНТНЕМС, ПАНДОМС, но ПАНТНЕМС ды лият);

б) Совавтомс эрзянской орфографияс глаголонь параллельной формат: ДАНО, ДЯНО, примеркс: МОЛДЯНО, ЛОВДЯНО, СЕРМАДТАНО, ЛИСТЯНО;

в) Именительной падеженъ валтнэс, конатнень основат единственной числасо аволь определенной рядсо прядовить аволь парной согласнойс, конань икеле ашти Е эли И, определенной рядонь множественной числасо сермадомс НЕ, но аволь НЭ—колхозниктне, но аволь колхозниктнэ, кевтне, но аволь кевтнэ, колхозниктнень, но аволь колхозниктнэнь ды лият;

г) Валтнэс, конатнень именительной падежест единственной числань аволь определенной рядсо, оковчанияст Т лангс, определенной рядонь множественной числасо сермадомс вейке Т, но аволь кавто: студентнэ, но аволь студенттнэ, студентнэнь, но аволь студенттнэнь ды лият;

д) Отрицания марто АПАК, ЭЗЬ, АВОЛЬ, ИЛЯ глаголтнэнь серма-

доманть практиковамс инфинитивень усеченной формасо: АПАК НЕВТЕ, ИЛЯ САЕ, но аволь АПАК НЕВТЬ, ИЛЯ САЙ ды лият;

е) Ютазь шкань объектной спряжениянть глаголтнэс (изъявительной наклонения) сермадомс МЕМ, МЕЛЬ, ТЕНЬ ды лият, лиякс меремс И букванть таркас сермадомс Е: ТОНАВТЫЕМ, ТОНАВТЫТЕНЬ, ТОНАВТЫМЕК ды лият. Исключенияс саевить валтнэ, конат прядовить МИЗЬ, ДИЗЬ лангс косо сермадомс И: САИДИЗЬ, ТОНАВТЫДИЗЬ ды лият.

ж) А сермадомс мягкой знак сеть случайтнэс,—зардо валсонть ряцек аштить кавто эли колмо мягкой согласной: ЭРСИ; ЭРКЕ, СЭДТЕ, ВЕРДЕ ды лият, вавтомс мягкой знаконь сермадоманть ансяк мягкой „Л“ букवादонт мейле (КАЛЬТЬ) ды сеть случайтнэс, зардо вешсы тень валонь семантикась (СЕСЬКЕ) ды лият.

з) Аравтомс проносительной падеженъ (эрзянь ды мокшень келтнэс), ловомс сонзэ переместительнойкс, совавтомс валонь истят форматнень существительнойкс.

3. Мокшонь орфографиянть кувалт эрвяи теомс:

а) Мокшонь кельсэ глухой РЛ, ды Й (ЙОТ) букватнень весе случайтнэс обозначать РХ, ЛХ, ЙХ букватнень сочетаниясо, примеркс: КОРХТАМС, КОРХНЕМС, ПЛХТАМС, ПЛХНЕМС ды лият, мягкой РЬ, ЛЬ букватнень жо колмо букватнень марто сочетаниясо РЬХ, ЛЬХ, примеркс: ВЕЛЬХТЯМС, ВЕЛХНЕМС, КАРЬХНЯ ды лият;

б) Звонкой согласной Б, В, Г, Д, Ж, З, букватне множественной числасо, аволь определенной ды определенной склонениятнэс ютыть соответствующей глухой буквас, М ды Н букватне жо ответственна П ды Т буквас, примеркс: КЛУБ—КЛУПТ—КЛУПТНЕ, СНАВ—СНАФТ—СНАФНЕ, ЛАНГА—ЛАНКТ—ЛАНКНЕ, КУД

## Врагтнэнь лездыцат ды сынт покровительть

Тонавтнемань ютась иестэнь эщо Игнатовань средней школань 8-це классо тонавтицясь Г. Якушина нолдтнэс антисоветской эрва кодат кенгелямот. Антисоветской идеяк нолдтиль занятиятнэскак. Содасть весе теде дирекциясь, комсомольской организациясь, но сын вражеской неть вылазкатнень лангс вансть паромельсэ ды кунсолость кургонь автнэс.

Февраль ковсто ВКП(б)-нь райкомонь икелень секретаресь Ки-станкин, кона ней лангс таргазь прок народонь враг, тейнэс доклад троцкистской параллельной централонть (Пятаков, Радек ды лият). Тосо Поздьева учительница мерсь, што минек школасонтькак улить контрреволюционной вылазкат, евасть конкретной факт, но весе тень лангс кияк эзь варшта ды мезеяк эсть тее, штобу лангс таргамс контрреволюционной пизэнь.

Ансяк теде мейле зярря шкань ютазь, зардо теветень кундасть кой кона комсомолетнэ ды ВЛКСМ-нь райкомось, лангс таргазель Якушевань ды лиятнень нулгодыкс тевест. Г. Якушева мар-

—КУТТ — КУТТНЕ, ЭТАЖ—ЭТАШТ—ЭТАШНЕ, КУЗ—КУСТ—КУСНЕ, УТОМ—УТОПТ—УТОПНЕ, ЛОМАНЬ—ЛОМАНТЬТ—ЛОМАНТЬНЕ.

Примечания: Конечнойтне М ды П а ютыть П ды Т букватне истят валтнэс: ОБЕМ, ПРИЕМ, РАЙКОМ, ПАН, САН, ОБКОМ, ТОМ;

в) А сермадомс мягкой знак Н ды Т букватнень ютксо лемень дательной падежсэ неть звуктнэнь мягкостест обозначениянть туртов ды глаголтнэс (КУД—КУДОНДИ, МОЛЕНДЕМС, МОЛЕНДЯРЯН, МОЛЕНДЯРЯЛЕНЬ).

4. Меремс Мордовиянть территория лангсо весе школатнень (начальной, неполной средней ды средней школатнень), истяжо Вузтнэнь ды политико-просветительной учреждениятнень, весе учреждениятнень ды организациятнень, истя жо издательстватнень ды редакциятнень, конат обслуживают Мордовской населениянть (Мордгизэнтень, Учпедгизэнь мокшень ды эрзянь редакциятнень, „Мокшень правда“, „Эрзянь коммуна“, „Комсомолонь вайгаль“, „Ленинэнь киява“ газетань редакциятнень, „Колхозонь эряф“, „Сятко“ ды лия журналонь редакциятнень) эсист роботасост кеместэ теевельть те постановлениянть коряс.

5. Меремс МАССР-нь Наркомпросонть ды келень, литературань ды историянть научно-исследовательской институтонть мокшонь ды эрзянь кельсэ правописаниянть правилатнень седе курок нолдамс башка брошюрасо.

6. Меремс МАССР-нь Наркомпросонть ды келень, литературань ды историянть научно-исследовательской институтонть нейке жо кундамс келень конференциянть анокстамонть, косо ваномс келень икелень конференциятнень весе постановлениаст ды теомс виде орфография ды грамматической терминология.

## Толковиъ СССР-нь Верховной Советс кочкамотнеде Положениянть

Чамзинкань район. Пянгий велень комсомолетнэ колхозниктнэнь ютксо толковать СССР-нь Верховной Советс кочкамотнеде Положениянть.

Комсомольской организациясь Пивкинэнь ды Калгановонь кемекстынэзэ колхозниктнэнь ды колхозницатнэнь ютксо культурно-массовой ды политико-воспитательной роботань ветямо.

Сухарников.

## Мездеяк а мелявтыцат

Сайне велесэ улить партийной ды комсомольской организацият. Но партгорсь Панчайкин ды комсоргось мездеяк а мелявтыть. Колхозниктнэнь, од ломантнень ютксо культурно-массовой кодамоак работа а ветить.

Колхозниктнэнь, од ломантнень ютксо те шкас эзизь толкова „СССР-нь Верховной Советс кочкамотнеде Положениянть“.

И. А.

Дубенкань район.

## КОДА МАНЬШИТЬ АРБУЗОВА ЯЛГАНТЬ

Эщо 1936 иестэ Семилей велень средней школань комсомольской организациянть Арбузова Вера макссь эявления комсомолс совамодо. Комсоргокс сестэ ульмесь Тетюшкин. Сон Арбузова ялганть кевкстнеманзо лангс отвечиль: вана неть читнэсэ эявлениянть вансынек...

Шкась ютась уш малав целая ие, эявлениясь яла аштекши комсомольской тевтнень ю ксо. Од комсоргоськак —Моигейкин ялгаць нейгак яла маньшекши Арбузова ялганть эйсэ: минь курок тонь приматадызь, вана неть читнэсэ вансынек тевети...

Зярс карми молеме те волокитась, маньшемась?

Комсомолец.

Кочкуровань район.

## БЮРОКРАТ

Кочкуровань район. Воеводской аволь полной средней школанть улить пионерской 4 отрядт, весемезэ эйсэст 152 пионерт, но сынт ютксо культурно-воспитательной кодамоак работа а ветить. Пионертнэ переменатнэсэ кува пойгсь якить ды чийнить.

Комсомолонь райкомсо пионеротделэнтэ заведующеесь Лопатия сень таркас, штобу молемс школантень максомс лезкс, вети бюрократической отписка ды райкомсо озадо аштезь „назначакшы“ пионерэнь отрядтнэва вожатойть.

Ст. Пионер

## Занятияне сезневигь

Чамзинкань средней школасонть сезневить литературань коряс уроктнэ сень кувалт, што школань дирекциясь ды РОНО-нь заведующеесь Егоров „эсть муче“ преподаватель.

Зярс истя кармить сезневеме уроктнэ?

Ив. Симдянов.

Чамзинкань район

Л. Н.



## Покш мельсэ молить Якстере Армияв

Дубенкань призывной комиссиясь ушодызе роботанзо сентябры 13-це чистэ. Ламо преданной од ломанть примазь социализмань родинанть ванстома.

Чиндянова велень призчыникесь Карпунин корты: „Мон покш мельсэ молян эсинец уцяскав масторонть ванстома“.

Р. Н.

## Пионерской организациятне а роботыть

Ардатовань район. Ташто Ардатова велень школатнесэ пионерской организациятне кодамояк робота а ветить. Ламо тонавтният арсить улемс пионеркс, но кенкшнэ тосо пекстаз. А содыть микки марто кортнемс пионеркс совамо.

Пионерской отрядтнесэ вожатойть арась. Васенец отрядонтень вожатойкс аравтозель А. Козлова, сон жо эзь снартнеяк кундамс тевс.

С. Авдеев.

## Мекс арась пионерской организация

Вайшка Маризь велень начальной школасонть арась пионерской организация.

Школасонть тонавтниить сядо до ламо эйкакшт. Сынт эйтэ ламотне бажить улемс пионеркс, роботамс пионерской организациясо.

Но школань заведующеесь, учительтне ды велень комсомольской организациясь овси а мелявтыть сень кис, штобу школасонть улелель пионерской отряд.

И.

Чамзинкань район.

## Вожатоесь а содасынзе пионерэнзэ

Дубенкань район. Сайне велень „Красный пахарь“ колхозсонть ули пионерской организация, но робота сынт ютксо кодамояк арась.

Вожатоесь Ярославкина, зяро сонзэ кевкстясак зяро пионерэть ды косо сын эрить, сон мерит: мон а содасынзэ косо сын эрить. Комсомолонь райкомось те тевденть соды, но сон кодаткак мерат те шкас эзь прима.

И.

## Кузин теде а мелявты

Кочкуровань район. Малый Умыс велень колхозниктнэнь ды колхозництнэнь эзизь толкова „СССР-нь Верховной Советс кочкамотнеде Положениянь“.

Колхозонь председателесь Кузин-комсомолец, вестыкак эзь организовакино паксыа роботыць колхозниктнэнь газетань ловномат. Газетат правлениясь а получи.

Кузин эзь снартнеяк теемс сень, штобу колхозниктнэ кармавольть содамо Верховной Советс кочкамотнеде Положениянь.

Ф. Адушкин.

## Мезе мольсь комсомолонь сокор руководительтнень судост ало

ВЛКСМ-нь Ельниковской райкомонть икелень руководителтне Белгородцев ды Дрожжин малав кодамояк робота эсть вета комсомолсо троцкистско-бухаринской последыштнэнь, народонь врагтнэнь лангс таргсманть ды комсомолсто сынт пансеманть коряс. Троцкистско-бухаринской последыштнэде жо ульнест ламо сигнал. Но Белгородцев сынт лепштыть, истя жо лепштыть критиканть.

Белгородцев ульнест истямо сокор ды беспечной, што сон эзизе нее, кода сонзэ судонзо ало эсинзэ подлой тевензэ ветясь Битюцкая авантюристкась, кона иеде кувать ульнест комсомолонь райкомонть членэкс. Битюцкаянь кувалт сермадозель ВЛКСМ-нь обкомовгак, но народонь врагось Иванов кекшизе те тевенть. Зярыя шкань ютазь тов кучозель Битюцкаянь тевенть проверямо обкомонь представитель Потапов, Винидиктов, Тюркин, сын истя жо мезеяк эсть тее, эсть машто лангс таргамс Битюцкаянь нулгодькс тевензэ.

Комсомолонь первичной организациятнесэ истя жо ветясть гнусной тевест народонь врагт ды сынт лездыцт. Примеркс, райфонь комсомольской организациясонть кувать орудовась народонь

враг Попов, кона ансяк меельсь шкастонть панезь комсомолсто. Федякин (Ельникень полной средней школа) сюлмавозель народонь врагтнэнь марто. П. Голенкова школасонть ютавтиль церковниктнэнь идеят. Кувать антисоветской сплетнят нолдтнесь ашогвардеценъ церась-проходимецсь Недякин.

Ульнест сигналт икелень лишенецтэнтэ Лазиндэ, кона тейнест конгрреволюционной тевть. Но райкомонь секретарент тевтнэнь топатыцясь Дрожжин зы снартнеяк проверямс тевтнэнь ды эзь шкасто лангс таргамс те нулгодьксэнтэ—Лазинэнь. Мекей лангк, Дрожжин бюронь заседаниясо сонзэ примакшнызе комсомолс. Райфонь организациянь комсоргось Шулигин весе виензэ путсь сень, штобу Лазин улелель примазь комсомолс. Ансяк меельсь шкастонть Лазингак, Шулигингак панезь комсомолсто.

Пропагандистской робота райкомолось эзь вета. Комсомольской организациятнесэ политонавтнама арасель.

Комсомолонь районной активень промксось Дрожжинэнь канзе роботасто. Райкомонь секретарекс тайной голосозаниясо кочказь Шкаев ялгась.

И. Исламкин.

## Калавтызь физкультурной организациянтъ

Инсаронь райононь физкультурной организациясь лововкшныль сехте вадря организациякс республикань келес, республиканской спортивной соревнованиятнесэ ламоксть лиснест изниакс. Ней физкультурной организациясь райононь келес мезеяк а роботы. ВЛКСМ-нь райкомось ды райисполкомось сурдо-курс эзь вачкоде, штобу лездамс ды те тевенть кис ответственной ломантнэнь кармавомс роботань ветамо.

Эряви темкстамс, што малавак аволь сатышка руководствась физкультурань ды спортонь тевенть коряс республиканской комитетэнь пельде. 1937-це иестэ куч-

нест ансяк кавто уполномоченнойть, сетнеяк мезеяк эзь тее. Саемс Жилнинэнь, сентябры 5-це чистэ кучозель Инсаронь район, штобу анокстамс физкультурань коллективенть республиканской соревнованиятнэнь, сон макссь задания, командировочной удостоверениянзо лангс пувотсь темкставкс ды тусь лия район.

Истямо гастролерствань руководствась лездась физкультурной организациянтъ калавтомантень, физкультурань ды спортонь тевенть коряс республиканской комитетэсь жо кодамояк мерат эзь прима.

Купер.

## Следователень запискасто

### „ПРЕПОДАВАТЕЛЬ“

Вейке заводонь инженерно-технической работниктнэ решасть товатнемс немецкой келенть. Кружокось ульнест организоваз. Тонавтнеме бажиятнеде ламолить.

Чокшнэ роботадо мейле весе пурнавсть якстере уголокс. Куроксто сась преподавательскяк. Те ульнест аккуратной, адкине, бойка аatine роговой покш сельмукшсо.

Седе мейле, кода завкомонь работникесь сонзэ ветизе тонавтниятнэнь, преподавателесь евтась аволь покш, вевень мельс тувияц вал Сон мерсь:

— Мон сехте ламо коллегатнэнь методост а видетть ды а максыть эрявикс эффект, васняк секс, што сын снартнить саемс а савицянть Сынт арась целеустремленностест Эряви нейке жо кочкамс направления ды пед-пед топавомс совзэ.

— Мон лован, што а маняван,—тесэ сон варштась кунсолыцятнэнь лангс,—бути предложу кунсолыцятнэнь те составонтень, косо сехте ламо инженерт ды техникт, тонавтнаманть производственной направления. Мон карман тееме производственной тематиканть коряс... Тень кувалт седе курок карми молеме роботанок ды сехте малавикс шкастонть максы покш эффект.

Кунсолыцятнэнь мельс те тусь. Меле-

зэ витевсь завкомонь работниктнэкак, конась шназь мотаться прысонзо преподавателенть валонзо коряс.

Занятиянтень ушодомо икеле, штобу содамс кунсолыцятнэнь знаниясть, преподавателесь ютавтсь своеобразной вишкине экзамен.

Эрява тонавтниятнэнь сон макссь зярыя вопрост, конатнэнь лангс мерсь отвечамс сеске жо немецкой кельсэ. Вопростэнь ульнест истятт:

1. Кить тетят-ават?
2. Зяро иеть роботатадо заводсонть?
3. Кодамо робота тейдядо?
4. Мезекс роботатадо?

Получазь ответнэнь преподавателесь бережно кекшинзэ эсинзэ портфельс, мерсь, што сы занятиастонть сон парсте карми содамо кружоконть составдонзо ды кунсолыцятнэнь знаниядост.

Кружокось кармась роботамо, кода мейле ульнест ютавтозь письменной вавень робота. Кружоксонть кунсолыцятнэ сермадсть сочиненият преподавателенть мереманзо топавтозь „Минек заводось“ теманть коряс. Преподавателесь вешсь весементь парсте евтнемс.

Кунсолыцятне трудясть добросовестнойстэ, эсаст письменной роботасост евтнест истят сведеният ды фактт, конатнэнь евтнемаст эрява кодамо лия обстановкасэ сын сынь лововливь бу секретной даннойтнэнь разглашениякс. Вопростнэ, конатнэнь аравтынзе преподавателесь марявет истя чарковедиксэкс, подкупающе простойкс, што сынт по-

## Панемс Артур Моронь советской писательтнэнь союзонь членстэ

Ловныя Артур Моронь „Эрямонь ким“ сборникензэ, конадо сермадозель уш „Ленинэнь киявасо“. Ды монь мельсак те сборникстэнтэ мезеяк эзь тусе. Зыянов, халтурной тапарявксто башка тосо мезеяк арась. Артур Моро тосо нолдазь стихтнэнь эйсэ кенгели минек уцяскав ды весела эрямонть лангс. Сборникесь пед-пед зыянов. Артур Моронь стихтнэсэ вастневить аволь паро валткак.

Минь, ловныцятне, пек а паро мельсэтино, што Артур Моро примазь советской писательтнэнь союзонь членкс. Ломанесь „Пургинэнь зэрт“ сборникензэ алтызе народонь врагнэнь, меельсь сборникезэ зыянов, сонсь сюлмавозель литфронтовецтнэнь марто. Мельсь шканть самс эзь сермадо серьезной кодамояк произведения. Секс минь арситяно, што сон случайна понгсь писательтнэнь союзонь членкс ды сон эряви тосто панемс.

Павел Русскин.

Дубенкань район.

## КИЕ СЕДЕ ЛАМО СИМИ

Марисевской вельсоветэнь Сталин лемсэ колхозсонть пек беряньстэ организоваз трудось. Весе роботатнэнь коряс колхозось районсонть вана уш омбоце не ловови сех удалов кадовицакс.

Те шкас эцэ яла апак прядо паксысто сюронь урядамось, апак сюлма, апак пурна аштегкшнить лездез сюрот. Государствантень сюронь максоманть коряс колхозось ашти меельце таркасо. Беряньстэ моли озимень видеамсь.

Колхозонь председателесь Еремкин, омбоце бригадань бригадирэсь Паркин, ревизионной комиссиянь председателесь Еремкин, счеговодось Захаркин ды лият овси а мелявтыть сень кисэ, штобу парсте аравтомс колхозсонть роботанть, сын организовакшнить винадо симкшнемат, кой-конат эсь ютковаст тейсть мик договорт седе, кие седе ламо вина сими.

Чамзинкань район.

Неиця.

вась ансяк вейке бажамост—сермадомс кода можна седе парсте, седе обстоятельно ды видестэ.

Преподавателесь эрява кода лездась тонавтниятнэнь. Ежовсто пеедэз, сельмукшнэнь сазэз, близорукой сельметнэнь кончнэз, сон те эли тона кунсолыцянть марто, эрявикс ответэнт вешнэз, уточнял содержаниянт, макснест дополнительной наводящей вопрост, весе тень сень туртов теез, штобу сочинениясь улелель седе конкретной ды соддержательной.

Письменной роботась прядовсь. Преврямонть туртов руководителесь тетрадьтнэнь сайнзе эсь мартовзо.

Шкась мольсь. Преподаватель-атинесэ заводсонть кармась улеме эсь ломанекс Сон примась участия стеной газетасонть, регулярнойстэ невть кружоконть роботанзо, евтнест тонавтнамасо заводонь рабочейтнэнь саемамь келей плантнэнь. Сон тейсь ды сермадстась лия кружоктнэнь марто соревнованиянтень договор.

Вейке занятиасто руководителесь, ютазентень итогонь теез, мерсь, што кружоксонть кунсолыцятне — Васильев инженерэсь ды Рубинчик техникэсь кадновить удалов ды тень кувалт кружокось может а топавомс планонть. Преподавателесь ловсь эрявиксэкс роботамо дополнительно удалов кадовица неть кавто

(Пезэ 4-це страницасо)



## Испаниясо фронттнэва

Коде пачтить куля Испаниясто, сентябрьн 15-це чистэ мятежничтнэ авиациясь северной фронтсо бомбардировизе Поль де Гордон ошонт. Ошось тапаз. Ошсонть весе эрицятнэ (10 тышат ломанть) эвакуировали (саизь лия таркав эрямо республиканской властне, секскак бомбардировкастонт эсть ульне ломанень ламо жертват.

Чи лисема ено (арагонской) фронтсонть мятежничтнэ аноктить контрнаступления Сарагоса районсонть. Тозой пурнавь мятежничтнэ ламо войска, сынст ютксо „Черное пламя“ итальянской дивизияськак. Арагонской фронтсонть республиканской войскастнэ командуючесь Посас генералось являютьс, што позицияне, конатнэ занить правительственной войскастне, пек виевь ды мятежничтнэ арась кодамоак кемемаст успехенть лангс.

(ТАСС).

## Китайсэ военной действияне

Меельсь сообщенианть коряс, Северной Китайсэ японцтнэ занизь Датун ошонт. Японской самолеттнэ бомбардировизь Шаньси-Тайюань провинциянь столицанть ды Цанчжоу ошонт (Тяньцзиньнэ эйстэ югов). Цанчжоусь тезь развалинакс.

Сентябрьн 15-це чистэ Ляньян районсонть (Бейпинстэнтэ югов) ушодовсь пек покш сражения, истямо сражения эщо арасель Северной Китайсэ военной действиянэ перть. Боесь моли 80 километрань кувалмо линиясо.

Омбо масторонь корреспондентнэ группась ульнесь Тяньцзиньстэнтэ юг ено военной действиянэ районнь зяряя пункттнэс. Станциятнэс ды поселкатнэс корреспонденттнэ нейсть ансяк сыре ломанть ды эйкакшт. Покш эрицятне орголесть. Тангуантун ошонт икеле ловновсть 100 тышат эрицят, ней жо кадовсть 25 тышат ломанде а седе ламо.

Сентябрьн 14-це чистэ Кантонь районсоанть ульнесь морской васень сражения китайской ды японской морской вийтнэ ютксо. Китайской сведениятнэ коряс, береговой артиллериясонть ульнест колазь испанской 2 миноносецт, конатнэ эйстэ вейкесь ваясь.

(ТАСС).

## „ПРЕПОДАВАТЕЛЬ“ (ПЕЗЭ)

кунсолыцятнэ марто: случайстэнтэ, бутэ завкомось не сможет пандомс дополнительной неть частнэ кис, преподавателесь согласи ютавомс сынст питневатеме.

— Мошень, общественник-педагогонтень,—являютьс сон,—сех пек эрявикс, штобу кружокось улелель икеле моликакс заводсонть келейгавтозь соревнованиясонть...

Но завкомось согласи пандомантень, ды индивидуальной занятиятне ушодовсть.

Васильев ды Рубинчик, заводонь основной, ведущей ды сехте пек секретной кавто цехень работничтнэ, оказались ревностной тонавнициякс. Руководителень марто кортнемань тематне, то павтневица роботатне кармасть улеме эщо седейк пек конкретноекс: „монь цехем“, „меве минь максынек те истэнтэ“,

## Шанхайсэ разрушенияне

Коде пачтить куля Шанхайстэ, японской войскастне, флотось ды авиациясь Шанхайсэ военной действиянэ перть тейсть пек покш разрушения. Сех покш разрушения теевь культурной учреждениятнэ ды промышленной центратнэ. Сехте пек пострадал текстильной промышленностень центрась—Янцзипу районсь. Предварительной сведениятнэ коряс, тосо тапаз 160 фабрика. Теке марто таркань электростанциясонть электроэнергиянь тевс нолдамось валгсь 78 процентс. Покш разрушениятнэс понгсь истяжо шелковой промышленностень центрась—Чапеесь, косо кирвастиця бомбатнеде палсть зяряя кемень фабрика. Недлядо теде икеле японской военной кораблятне ды самолеттнэ кармасть пек виевь бомбардировать Путунсо промышленной районотнь, конась ашти Ванпу леенть томбале. Меельсекс, промышленной нилеце районсонть,

коде мерить чи валгома ено Шанхайсэ, воздушной зяряя бомбардировкатнеде мейле пекстызь малав весе предприятиянэ. Роботыть ансяк зяробути Китайской текстильной фабрикат, конатне тейть бинт ды перевязочной материал китайской армиянть туртов.

Китайской эрицятне овси кадызь Чапей, Ханкью ды Янцзипу районтнэ. Международной селтльментнэ ды французской концессиянь территориясонть ловновить миллиондо аволь седе аламо беженецт.

Лезксэсь, конань максыть общественной благотворительной организацияне, овси а сатны. Беженецтнэ пельс вачо эрямонть ды эрямо таркань аразь-чинть эйстэ теевь холерань эпидемия. Официально тешкстэз концессиясо ды селтльментсэ холерасо сәредиянь 650 случайт.

(ТАСС).

## Зыянов тапарявкс

„Эрзянь коммуна“ газетанть ловныцятнэ ламоксть савкшность ды нейгак яла савкшны ацергалемс сень кувалт, што редакциясь материалтнэс нолдтнэс ды нолдтни эрва кодат тапарявкс, а чарковикс таркат ды мик политической ильведкст.

Сентябрьн 15-це чистэ (214—1782) номерсэнтэ печатазь икельсь статья „А стувтомс капиталистической окружениядонть“. Редакторонть Телепов ялганть ды редакциянь сотрудниктнэ чумост кувалт тосо нолдазь покш тапарявкс, кона граничит политической ильведкст марто.

Газетась сермады: „Политически аволь устойчивой ломантне понгонить омбо масторонь разведкатнэ кедьс ды тейневкшныть сынст кеме оружиякс. Те а нолдави сестэ, зярдэ СССР-нь эрва гражданинэс карми улеме честнойкс судебно-следственной органтнэ икеле ды а карми кекшемэ эсинзэ преступлениянэ“...

Мезе те? Мезде кортыть неть валтнэ? Седе, што бую СССР-нь эрва гражданинэ ули преступлениязо, седе, што бую минек масторсо арась вейкеяк честной гражданин ды секс „Эрзянь коммунась“ весе гражданинэ кармавты молеме судебно-следственной органс эсист преступленияст евтнеме. Те ашти минек масторонь трудиятнэ лангс вискстеме, безответственной, преступной кенгелямокс. Нама, врагтнэ эрви лангс таргсемс ды тапамс, трудиятнэ эрви тердемс те тевентень лездемо ды сын лездыткак, но мейсь весе трудиятнэ являвнемс преступникекс? Редакциясь нолдась покш ильведкст.

## Серма редакцияв

### Архиповань знаниядонзо

Редактор ялгай! Минек, Шугуровань средней школань тонавнициятнэ, ули меленек кевкстемс редакциянь, кода грамматически видест сермадомс истя валтнэ: „ававтомо“, „сараз“, „пионерсь“ ды лият.

Минек школасо эрзянь келень преподавателесь Архипова А. Ив. неть валтнэ минек кедьстэ веши сермадомс истя: „авафто“, „пионерсь“, „сарас“ ды лият.

Архипова мери, што истя сермадомс карми улеме видестэ. Но а евави ли теньсэ Архиповань безграмотностез?

Весе теде башка, сон эрзянь келень урокто корты рузокс.

Кемдяно, што куруксто макстадо ответ.

Тонавницияне Пивкин ды Бекшаев.

Березникень р-н.

Редакциянь пельде. Кемдяно, што МАССР-нь Наркомпросонь начальная ды средней школатнэ управленийсь ответи Пивкин ды Бекшаев ялгатнэ вопрос лангс. Архиповань жо кучсы эрзянь келенть тонавтнеме, конадо мейле, паряк, карми содамо: кода седе виде: „сараз“ эли „сарас“.

## ВРЕДИТЕЛЬСТВАНЬ ПОСЛЕДСТВИЯТНЕ АПАК МАШТО

Дубенкань „Сталинская трибуна“ райгазетанть редакторокс кувать роботась народонь враготь, троцкистэсь Маркелов. Сон редакциясонть тейнесь ламо нульгодкст, подлой тевть: лепштысь критиканть ды самокритиканть, эзь печата сеть материалтнэ, конатне лангс таргасть народонь врагтнэ тевест, критиковасть асатыкстнэ ды ильведкстнэ, весе вийсэнзэ лепштысь велькортнэ инициативаст, весе вийсэнзэ ношкелгавтсь революционной бдительностень газетань страницатнесэ.

Аволь седе парсте тевес ашти нейгак. Редакционной коллективесь ды икелевгак шкань редакторось В. Сырескин эсть кунда вредительской последствиянэ педес-пес маштомо. Икеле ладсо редакционной коллективесь ды В. Сырескин а ветить малав кодамоак робота велькортнэ ютксо, газетань страницатнэ пештнить редакциянь сотрудниктнэ, велькоронь пек ламо ды питней заметкатне понгонить архивс, редакциясь а касты касыця од талантнэ, стихтнэ ды частушкатнэ нолдтнить малав апака провера, покш ильведкст ды кенгелема марто.

1937 иень июлень 20 це чинь номерэнтэ ульнесь печатазь И. Ярославкинэнь морозо „Моро Сталиндэ“, конаньсэ Ярославкин овси апака визде, ответственностеме, кенгелезь сермады Сталин ялгадонть:

„Эрва кинь кисэ  
Свал заботят тон“...

Кие кемсы сень, што Сталин ялгась свал заботи „эрва кинь кисэ?“ Сталин ялгась мелавты прок тетя весе сетнень кис, конат честной трудият, беззаветно преданной минек родинантень ды большевистской партиантень, конат эсист чесной роботасост строить коммунизманть.

Теке жо стихень колмоце куплетэнь кавто строчкатнесэ Ярославкин таго кемексты эсинзэ икелень кенгелямонзо:

„Прок родной тетя  
Жалят всемень“.

Неть строчкатне стихенть тензэ политически вреднойкс, аволь видекс. Газетань страницатнес жо сон лиссь ансяк секс, што Сырескин ды литсотрудникесь А. Щеглов сәредить идиотской ормасо,—беспечностесь. Сыненст мезе иляст кучо (стихтнэстэ) печатазь. А мелавтыть сень кисэ, штобу газетасонть максомс паро материал, невтемс минек весела ды супав эрямонть, лангс таргамс асатыкстнэ, народонь врагтнэ нульгодксэв тевест. Газетась лисни беззубойстэ, ношкасто.

Пав. Русскин, Вик. Сыркин.

## А ветить воспитательной работа

Морго велень комсомольской организациясь а ветить воспитательной работа аволь союзной од ломантнэ ютксо. Колхозонь клубсонть беседат, газетань ды журналонь ловномат а эрить. Заведывающесь—Филиппов клубонть свал кирди пекстазь.

Истя жо беряньстэ роботыть: ОСО нь, МОПР-нь, СВБ-нь ды лия организацияне. Письмар. Дубенкань р-н.

Ответ. редакторонть кис  
Д. УЧАЕВ.